

Headline	TH nafi lepas saham RM2.6 bilion		
MediaTitle	Berita Harian		
Date	01 Oct 2019	Color	Full Color
Section	Nasional	Circulation	82,252
Page No	6	Readership	246,756
Language	Malay	ArticleSize	272 cm ²
Journalist	Nurhayati Abllah	AdValue	RM 9,041
Frequency	Daily	PR Value	RM 27,124



TH nafi lepas saham RM2.6 bilion

Pengurus dana jemaah haji terus labur dalam pasaran domestik

Oleh Nurhayati Abllah
nurhayatiabllah@bh.com.my

Kuala Lumpur: Lembaga Tabung Haji (TH) terus mengambil peluang untuk melabur dalam pasaran saham domestik, bagi mengukuhkan portfolio pelaburannya.

Malah, pengurus dana jemaah haji itu turut menegaskan tidak

pernah melepaskan pegangan saham berjumlah RM2.6 bilion atau secara drastik, sejak tiga bulan lalu.

TH dalam kenyataannya berkata, sepanjang 2019, nilai ekuiti domestiknya meningkat sebanyak RM1.12 bilion daripada RM6.36 bilion pada penghujung 2018, kepada RM7.48 bilion setakat 27 September 2019.

“Pelaburan TH bertumpu kepada syarikat utama Bursa Malaysia yang mempunyai prestasi kewangan serta rekod dividen baik, menjana pendapatan stabil dan patuh syariah, termasuk Tenaga Nasional Bhd (TNB), iaitu antara pegangan terbesar dalam portfolio TH.

“Secara keseluruhannya, pegangan TH dalam TNB bertambah

RM304 juta sejak 18 bulan lalu,” katanya.

Kenyataan dibuat bagi menjawab laporan sebuah portal, komonya TH melepaskan pegangan ekuiti berjumlah RM2.6 bilion sejak tiga bulan lalu, bagi mengurangkan pendekahan kepada ketidaktentuan pasaran saham.

Laporan itu mendakwa tahun lalu, TH menjual ekuiti dan aset hampir RM20 bilion kepada sebuah syarikat bertujuan khas (SPV) yang ditubuhkan kerajaan, iaitu Urusharta Jamaah Sdn Bhd.

Bagi 2019 TH berkata, ia tidak memiliki atau melupuskan pegangan saham dalam syarikat seperti FGV Holdings Bhd, Lion Industries Corporation Bhd, T7 Global Bhd, Shin Yang Shipping Corporation, Brahim's Holdings Bhd

Pelaburan TH tumpu kepada syarikat utama Bursa Malaysia yang mempunyai prestasi kewangan serta rekod dividen baik, menjana pendapatan stabil dan patuh syariah, termasuk TNB, iaitu antara pegangan terbesar dalam portfolio TH.

Kenyataan TH

dan Cheetah Holdings Bhd, seperi yang dilaporkan portal berkenaan.

Ia berkata, selain ekuiti, TH kini giat dalam mencari peluang pelaburan dalam semua kelas aset, seperti hartanah dan instrumen kewangan berpendapatan tetap seperti sukuk.

“TH sentiasa mengutamakan kepentingan pendeposit dan melabur secara berhemaham, selaras dengan strategi alokasi aset yang mengutamakan pendapatan yang mampan buat jangka masa panjang dengan mengambil kira risiko bersesuaian.

“TH akan terus mengekalkan tahap tadbir urus yang tinggi dalam mentadbir dana yang bertanggungjawabkan kepadanya,” katanya.